



Korunaváires (KOVID-19) maalumát adde eskul ókkol – maabaf ókkol adde eskuillafua ókkol ór maalumát

Australian – morkozi, raizzo ar elakayi – hókúmot ókkol beggún é taalim or ahámíyot óre siné ar KOVID-19 ababearam or thaim ot eskuillafua ókkol ór fonná forá ré modot goríbólla fakka erada goijjé.

Raizzo adde elakayi hókúmot ókkol adde be-hókúmoti bág or adikari ókkol óiye dé hítárar eskul ókkol óre calu gorá/rakár babote fáiséla ókkol gorár zimmadar. Tuñár elakat eskul ókkol é KOVID-19 loi keén gorí mukabela gorér dé zanibólla, meérbáni gorí foóilá tuñár eskul loi talluk goró, ar tuñár raizzo adde elakar hókúmot or nosíyot óre mano. Raizzo adde elakayi hókúmot or taalimi websáith ókkol ór línk ókkol lamat diyazar:

[Australian Capital Territory](#)
[New South Wales](#)
[Northern Territory](#)
[Queensland](#)
[South Australia](#)
[Tasmania](#)
[Victoria](#)
[Western Australia](#)

Raizzo adde elakayi hókúmot ókkol é ettefak goijjé dé ki eskul ókkol ót KOVID-19 óre mukabela keén gorí goríbó dé hían or babote fáiséla ókkol zanai dirakíbó mahér, ofísíel, wotóni ar raizzo-buniyadi umumi sehét adde taalimi zimmadar ókkol é.

Eskul ókkol ót KOVID-19 farár emkani hótará ré homa

24 Epril 2020 taríkka, Australian Health Protection Principal Committee (AHPPC - Australiar Sehét Basar Bor Komithi) ye [sehéti mocwara](#) baáir goijjé eskul ókkol ot KOVID-19 farár emkani hótára ré homaibólla. Amóli hedáyot adde nosíyot yaán óre toiyar gorá giyyé eskul sórdar ókkol ólla zetará fuain, maabaf ókkol, mackor ókkol adde modoti sóñijja ókkol ór sáñte mocgul asé, taáke KOVID-19 abagearam ot mazé eskul ókkol ót Korunaváires (KOVID-19) farár hom hótóra ré uddá aró homaibólla.

Etebar gorár muktosor jiníc ókkol ót cáamel asé:

- **Maabaf ókkol ólla:** zodi tuñár fua bearám óile, hítára eskul ot nozoonsá. Tuñárátta hítáraré gór ot ar oinno zon loi duré raká foribó. Tuñár fuain oré barái diya adde barái luwa údda loi, zehón eskul ot uçíba, oinno maabaf ókkol adde mackor ókkol óttu jisími duuri ré baki raikkó.
- **Fuian ókkol ólla:** tuñátta bearám lagilé, tuñár maabaf, walidar yáto mackor oré hoó.
- **Mackor ókkol ólla:** zodi tuñátta bearám óile yáto komzur manúic ór bótórttu óile, ham ot noaicó

- **Baleg manúic ókkol ólla:** eskul mahóul ót váires farár ekbera dhoñór hótóra óiye dé baleg manúic ókkol ór mazé. Yaán becí dorhari deki maabaf ókkol adde mackor ókkol é eskul ot nize nize ar após ót mazé jisími duuri ré ekhí borabor baki rakíbó.

Sófáyi

Eskuillafua ókkol óre yaad gorái diyazar:

- Tuñár hát ókkol sábuñ adde faní loi dúwó, háná háibar age adde fore, ar thaththit zaibar fore úddá.
- Hát sáf goróoni senitaizar estemal goró.
- Tuñár hañcáni adde háñccaní ré tuñár bayára yáto ekkán thicú loi gúrí rakó (tuñár háté noó).
- Tuñár estemal goijjá thicú ré uzuuzu sátár dhulat félaídó, tarfore hát dúwó.
- Tuñár muk adde gal nosúibar kucíc goró.
- Oinno zon or hát nodóijjo yáto hítára loi hát nomilaiyó.
- Tuñár nize adde oinno zon or mazé maamuli din ottú aró becí zaga rakár kucíc goró.
- Lain dórá ttu basi tákó.

Tuñáttu perecan lagilé, oinno zon or hañsé zoo.

Uoror tobkar eskul or entezam ókkol adde jaamiyár dahéla ókkol

2020 Epril 7 ot, raizzo adde elakayi Taalimi Uzir Ókkol é ettefak goijjé dé ki uoror tobkar eskuillafua ókkol (12 kelássya eskuillafua ókkol) é ei bosór Senior Secondary Certificate of Education sónód háasel gorí faribó, ar de ki sónód gán é jaamiyá, muúmmikkar fonná adde soñori faibolla sóhúlot gorí dibo.

NAPLAN

2020 Marec 20 taríkka, Taalimi Uzir Ókkol é fakka erada goijjé dé ki 2020't NAPLAN muúmmikká noziabó. NAPLAN óre 12 ottú 22 Mey 2020 fuijonto kayem óibó hoi thaim mukoror gorá gíil.

2020't NAPLAN óre age noloizaibár fáiséla gorá giyyé dé eskul or zimmadar ókkol, mackor ókkol adde soñijja ókkol óre modot goríbolla taáke taalim sómáj adde eskuillafua ókkol ór báláyir uore hítará díyan dibollá.

NAPLAN óiye dé oggwá wotóni andaza lagooni zibá ye lekáforár tin lain — forá, leká adde zubani fón ókkol (hézó, kaida adde alamot laga) — ar hísáb ot mazé eskuillafua ókkol ór kabeliyot óre mafe. Hár raizzo ókkol adde elaka ókkol ór eskul ókkol é NAPLAN óre 2008 loti fotti bosór Mey mac ót anjam di aiyér.